

**Àṅwà'ànè Paul a mbo
FILEMON
Àṅwà'ànè yìi Paul a le ntoo a
mbo Filemon aà**

NJI'INNŪ ANWÀ'ANƏ YŪ

A àṅwà'ànè yû aa a le ṅṅwà'ànə Paul a mbo Filemon, yìi mə à le mbə Krisèn yì n̄t̄insè, ṅḡhòtə i boòntə ghu nda aà. ṅḡhotə ya ghu nda, Affia ni Arkipus, bo le ṅki n̄tswe n̄ n̄twonəḡ àṅwà'ànə ma yû. Paul à le ṅṅwà'ànə àṅwà'ànə ma yû aa a atsaṅə. Bì twonə Filemon, a bò'ò ni BaKolosi, BaEfeso, ni BaFilipi aa n̄ “ṅṅwà'ànə Atsaṅə” n̄lon mə Paul à le ṅṅwà'ànə aa wa noò mə à le n̄tswe a atsaṅ aà.

Onesimus, àbù'u Filemon, à le mfè'è ṅkhə ṅḡhèè yi a Roma, n̄tsi'i Paul ghu a atsaṅ, a swôn n̄too yì n̄sigìnə ya ghu mbo, a bəṅkə n̄t̄i yi mbii Kristo, n̄tigə n̄tswe bo Paul, ṅkwetə nii. Nòṅsə baRoma à le ndi'i mə mbə Filemon à le tse zwitə abù'û yi Onesimus n̄lon mə à le mfè'è ṅkhə, ṅki nyərə ṅkabè yì aà (18). Paul à le n̄tigə n̄lɔɔ a mbũ mb̄nsə Onesimus fu a mbo taà yì, Filemon, n̄tigə ṅṅwà'ànə àṅwà'ànə yû ghu mbo, n̄lètə nii mə t̄a à kwerə n̄ n̄t̄i yi ts̄im ts̄ò n̄d̄im yì, ts̄its̄on mə à t̄igə mu Kristo aà.

Àṅwà'ànə ma yû a d̄i'i n̄t̄i Paul ts̄ò ṅḡàṅàfà'á Mmà'àmbi atsaṅə, ṅkii ndi'i n̄ àdà'a n̄too yì

naŋsə nzi innù jĩ sigìnə tsìm jĩ à ni jĩ'inè a mum Kristo aà.

⁷ Wa ntii gha i nɔŋ nĩ m̀bɔɔnə ŋki nluu ni nìdorə, nyoŋə a n̄j̄imə àkòŋnê yo mba ndĩm ghà, òlɔŋ mə m̄intiĩ mi b̄ê bi Nwĩ bi tsim mi tsya a n̄j̄im wò m̄fwetə.

Paul à bu'ù m̀bo a mbo Filemon òlɔŋ ŋga ab'ù'yi Onesimus

⁸ Nlɔŋ ma yà ànnù m̀bə mə tse tãŋ ntii tsi'ĩ tsò ndĩm ghò a mum Kristo a nswɔŋ a mbo wò mə tâ ò ghìrə annù ȳii mə a ku'unə a ŋghìrə aà.

⁹ Lâ, òlɔŋ ajàn ȳii mə mə kòŋə gho aa, mə bàŋnè m̀bu'u aa m̀bô. Mə ghìrè ma mùu ajàn ka mə à ni m̄ Paul aa, n̄u ȳii mə a ghàà ni tsusè atũ Kristo Yesu, mə à t̄igə ŋki m̀bə ŋgàŋàtsaŋ tsìtsòŋ m̀bi'i ŋkwitũ yi aà.

¹⁰ Mə bu'u mbo a mbo wò a atu Onesimus, ȳii mə à ki ntigè mù ghà a mum Kristo a ndá àtsaŋə aà.

¹¹ A lɛ m̀bə nĩ noò ȳi m̀ɔ'ɔ aa kaa a wa'à nĩ àfà'à a mbo wò tswê, la tsìtsòŋ, à naŋsə tswe nĩ ìfà'à a mbo wò òki ntswe ni ghu a mbo mə.

¹² Mə tsyàsè nii fu a mbo wò, ònaŋsə ntsyasè aa òt̄i ghá.

¹³ Bɔŋ mə laa ndoritə a nlèə yu a mbo mə mə m̀bə a k̄a m̀fa'a a mbo mə nĩ òkwitu gho fàa noò mə mə tswe a ndátsaŋ nɔŋ ntoo ȳi òsigìnə yũ aa,

¹⁴ lâ mə bàŋnə ŋkòŋtə mə kaa m̀bə mə ki'i annũ tsu ghìrè t̄i betə gho òlɔŋ mə kaa mə si nĩ gho laa gàansè gaansə, a bɔŋ mə tâ ò ghìrə bə n̄i kòŋê yò.

15 Nòò tsù àâ ànnù yïi mə à le mmà'atə ghò ñkhè yi a ni mû àtɪi noò aa, mə mbə a bú mbìi fu a mbo wò, bú yu tswé ñlwi'i nɪŋkoŋè.

16 La tsɪtsòŋ, kaa à sɪ aa tsi'i àbù'ù bə, à tsyàtə àbù'ù, àa ndɪm ghò yïi mə ò kòŋə yi a mum Kristo. Wa mə nansə ñkòŋə yi, lâ mə wà'atə mə ò bàŋnə ñkòŋə yi ntsyatə ghá, tsó mə à ni ndɪm ghò ñùmìsòŋ ñki mbu mbə ndɪm ghò a mum Kristo aà.

17 Mbə a bə yïi mə ò lògə a gha tsi'i tsó ñù yïi sɪ fà'a abo mɔ'ɔ, ò kwɛrə yi tsi'i tsó ajàŋə mbə ò ki ñkwɛrə gha aa.

18 Mbə a bə yïi mə à le mfànsə annú tsu a mbo wò, kə ñki ntswa ghò nì àyoò tsu, ò nɪŋə a nsi ikum mə.

19 Wa mə Paul mə nansə ñŋwa'anə yulà aa tsi'i nì àbò yá, wa mə ka twu. Lâ wa'atə sigìnə mə ìbɪɪnú ghò wòmboŋ i tswé ñtɪi a mum Kristo aa nlon ŋgaà yà.

20 Tsó mə a bə laa, ndɪm ghà, ghìrə annù yulà a nu mə nì ñkùm Mmà'àmbi yì'inə. Tsi'i tsó ndɪm ghà a mum Kristo, ghìrə ñtɪi gha fwetə.

21 Mə ñwà'ànə laa nlon mə mə nansə nzi ajaŋə mə o yu'unə aà. La mə zi mə ò ka ghìrə tsyàtə ajaŋə mə mə swòŋə aà.

22 Ki ñghèè nì mbìi ñtaŋtə ntja'àndá bìgìi a mbo mə, ñlon mə mə bìi mə Nwɪŋgòŋ à ka yu'u nɪyè'è nuu i fa gha fu a mbo bù.

Atsà'atə ñlwi'isə

23 Wa Epaphras, yïi bí'iyu tswe a atsaŋ mbì'i ñkwitu Kristo Yesu aa, a tsà'atə ghò,

²⁴ Mark, ni Aristarcus, ni Demas, ni Lukas, ñgǎṅkòrê jya a mûm àfà'à, kii ntsa'atə nî ghô.

²⁵ Tâ ìbǒṅ Mmà'àmbî Yesu Kristo tswe bo bì àzwî yuu. Amen.

Bafut
Bafut: N̄toò Kristo yî N̄sigìnè: mìkàà yî mfiì New
Testament

copyright © 1999 Wycliffe Bible Translators, Inc.

Language: Bafut

Contributor: Wycliffe Bible Translators, Inc.

All rights reserved.

2025-04-26

PDF generated using Haiola and XeLaTeX on 25 Apr 2025 from source
files dated 26 Apr 2025

5d039b4a-c9a1-50b1-8a61-176cf48aa271